

胡文忠公遺集



胡文忠公遺集卷四十七

長沙鄭敦謹

湘鄉曾國荃

纂輯

永康胡鳳丹重編



水陸馬步各軍圍攻德安隨州迭勝疏

十一年

五月二十九日督發

竊皖逆陳玉成卽四眼狗圖解安慶城圍乘我師盡駐皖境糾集髮逆捻黨逞志上犯竄踞德安隨州等處經臣官文等調派水陸各軍馳往攻剿迭將辦理情形馳奏在案嗣三月初旬我軍攻克孝感後臣

官文派遣員劉嶽昭率所部勇丁四千六百人馳往

胡文忠遺集卷四十七

奏疏

隨州攻剿兼保安襄門戶

臣

李續宜卽派遣員金國

琛會率各營同副都統舒保馬隊副將張啟基等水師進攻德郡乃該逆負隅固守於郡城外周列木城環浚深濠密布礮石以阻我師金國琛審察地勢商令總兵銜副將趙太和等率爲左等營紮城西以副將郭鵬程等率毅右等營紮城西南以副將周忠容等率新左等營紮城東南以總兵彭炳武等率剛右等營紮城東北金國琛與總兵蕭慶衍等率貞中等營分駐城之東南西三面均皆逼城而壘三月二十四等日我軍於城外鳳皇山南壇山等處築成礮

臺晝夜轟攻該逆突由北門出撲經信中等營會合馬隊馳出截剿斃悍賊三四百名餘逆敗退入城四月初七夜舒保金國琛密令馬隊伏於東嶽觀之坳以貞左等步隊爲接應又令選鋒等步隊列於長濠之上防東北門之賊而令新仁等步隊伏北門以元左等營爲接應初八日黎明我軍以計誘之逆眾果揚旂出城金國琛等傳令各營掩旂息鼓俟其離城較遠號礮一聲伏兵盡起扼其西北門出入之路蕭慶衍與舒保突出衝擊張啟基等亦率戈船上轟逆眾倉皇失措棄械逃奔水陸馬步縱橫截殺計斃賊

六七百名生擒正法一百五十餘名敗賊竄伏城柵爲我軍轟斃與逼死河內者不可數計十一日早大霧迷漫賊眾由北門潛出圖撲我營經馬步先期戒備分路截殺斃賊又三四百名自此該逆死守不敢復出而我軍節次仰攻城上礮子如雨弁勇傷亡多名金國琛等因令各營就壘中開挖地道功已過半一俟逼近城根即可設計進取此勦辦德安城賊及迭獲勝仗之情形也又隨州踞匪深溝高壘與德安之賊爲犄角守之愈堅劉嶽昭自進軍擂鼓啟後節次逼攻屢爲礮石所阻四月初三日偵知城賊於南

北兩路設伏而以西路排列賊陣往來誘敵爲包抄我軍之計劉嶽昭察其詭謀遂令左營游擊孫均又英營參將蕭品元等各率五成隊出左路迎擊北路之賊而以右營參將李盛貴健營游擊朱湘霖等各率五成隊出右路迎擊南路之賊又令老營都司劉正庭副後營副將李復勝等各率五成隊輔以馬隊迎擊中路之賊劉嶽昭自率親兵同游擊李用恆等爲三路策應甫經整隊而行該逆卽率大股悉銳來撲我軍奮勇直前鎗斃黃衣騎賊一名悍賊十餘人逆黨猶抵死抗拒我軍三路圍剿大呼陷陣鎗礮刀

胡文忠遺集卷四十七

奏疏

三

矛同時並進連斃賊二百餘名該逆紛紛潰散我兵追至河岸不及晷渡之賊生擒溺斃者又數百名奪獲旂械數百件賊馬十餘匹因值天雨收隊嗣復迭次進攻該逆堅守不出五月初五日午刻城賊忽出數千人麤聚西門濠外添築土壘劉嶽昭親率各軍分路進擊直抵濠邊轟斃逆眾多名右營參將李盛貴首先登壘被賊鎗子穿左手仍負痛督戰將賊新壘毀平蕭品元等復率隊抄截殺斃黃衣騎賊四名又步賊二百餘名生擒九名餘賊奔竄入城現仍設法攻剿此剿辦隨州城賊逆獲勝仗之情形也查該

逆等恃其城濠重迭負四死守以待外援我軍節節圍攻期必盡殲而後快以免他竄又煩兵力現飭各軍遏其奔逸絕其援應設法智取力攻迅圖克復堅城仰紓宸厯其下游黃州蘄廣踞逆並南岸竄

匪亦經

臣

等分派水陸各軍次第勦辦以期尅日肅

清合併陳明所有攻克孝感首先登城陣亡之擬保游擊銜都司劉光楚擬保守備許賓國擬保千總王振裔王雲程成榮達蕭相輝擬保把總熊飛龍劉萬軒儘先把總胡星輝楊雲從張楚南藍翎外委張青山吳甘述王炳昆擬保外委李續堂王錦忠戴興高

胡文忠遺集卷四七 奏疏

四

及圍攻德郡迭次陣亡之擬保把總藍翎外委萬雲祥毅右營擬保都司藍翎守備李堯瑞藍翎守備萬魁勝藍翎把總楊占春藍翎外委李智信藍翎外委劉文勝擬保藍翎外委周鳳二外委廖名擬外委張楚勝元左營擬保千總李續文貞中營藍翎外委左盈庭貞左營藍翎守備熊光和副前營擬保外委周德太等三十名又圍攻隨州節次陣亡之擬保都司藍翎守備謝益德擬保藍翎千總左啟發藍翎外委莫有提擬保藍翎把總戴正一擬保都司銜藍翎守備毛明作擬保守備銜藍翎千總曾國富藍翎把總

戴紀山擬保藍翎外委陳勝之謝先二藍翎把總李
循源共十員名均請 旨交部各照原官及擬保

官階分別從優議卹以慰忠魂其餘陣亡受傷兵勇
另行分別辦理謹會同繕摺由驛五百里馳 奏

硃批知道了劉光楚等四十員名均照所請議卹欽此

恭報到省日期疏 六月初八日

竊臣以鄂省南北兩岸俱被賊擾親率成大吉等十

營回勦業經陳 奏在案五月十二日自太湖啟行

沿江西上六月初三日抵省先經督臣官文安徽撫

臣李續宜會派副將何紹彩等進勦咸蒲崇通一路

胡文忠遺集卷四十七 奏疏

五

之賊派副將成大吉候選道蔣凝學等進勦興冶武

昌一路之賊一俟南岸肅清再行合勦北岸所有登

到省日期理合繕摺由驛五百里馳報

再臣自去冬患病今春加以咯血曾蒙 恩允賞

假一月在營調理自春至夏迄未全痊此次由水路

回鄂感受暑熱欬逆愈甚嘔血日增精神大爲委頓

合無仰懇 天恩再行賞假兩箇月在署調理所

有日行尋常事件卽飭藩司代印代行其軍務重件

臣仍與督臣官文安徽撫臣李續宜會商辦理謹附

片具 奏

上諭胡林翼奏病未全痊再賞假調理等語湖北巡撫胡林翼著再賞假兩箇月在署調理欽此 六月二十五奉

官軍克復通崇咸蒲等縣南岸一律肅清疏 六月二十五日督發

竊逆首僞忠王李秀成竄踞江西瑞州府義甯州武甯縣各郡邑後糾集大股分三路竄犯楚境擾及興國崇陽通城大冶通山武昌咸甯蒲圻等州縣逼近省城經臣等調派水陸馬步各軍分途勦辦並武漢籌防穩固情形恭摺 奏報在案五月初八日臣李

續宜因武昌縣城與黃州府城隔江對峙恐賊踞修

胡文忠遺集卷四

奏疏

六

礮壘阻我長江卽派道員蔣凝學率湘左亨左利左三營兼程前進迅圖守禦旋據蔣凝學稟稱賊已於初八日竄踞武昌該道卽於初十日會同水師游擊曾紹霖都司陳東友督帶礮船水陸夾攻蔣凝學督率隊伍直駐武昌近城之西山左右設伏城賊果分三路來撲蔣凝學親自督隊鏖戰二時之久賊眾不支伏兵齊起賊遂大敗復經水師沿岸轟擊計是役殺斃騎馬賊目三名賊匪數百名淹斃受傷者尤眾生擒二十五名訊明分別正法奪獲旂幟器械多件賊受創後閉城不出經曾紹霖會同代理知縣龍雲

督飭水師用大礮晝夜向城環攻賊不能守遂於十六日四更奪路而逃當將縣城克復該逆大股仍盤踞興國之龍港等處擄掠民船希圖上犯先經臣官

文派撥唐瑞廷丁長春帶領礮船駛入梁子湖迎擊

廣東按察使彭玉麟派水師參將喻俊明管帶礮船由富池口駛入內湖直抵州境連日攻剿斃賊數百

名焚燬賊船二百餘號奪獲刀矛器械數十件賊馬

一匹旗幟二十餘面臣胡林翼由太湖拔營於六

月初三日始行回省先經臣官文臣李續宜會派總

兵成大吉率貞右發中武前武中武後凱前凱後禮

胡文忠遺集卷第七 奏疏

七

左禮右桂字等十營道員蔣凝學率湘左新左利左

亨左四營知府毛有銘率湘右義從二營都司孟麟

率馬隊由省南之保安金牛一路進剿興國大冶等

處副將何紹彩知府唐協和參將唐敏興游擊唐啟

虞管帶新訓四營游擊王允昌率新昌營都司李克

儉率馬隊由省西之咸甯進剿蒲圻崇陽通城等處

並飭會合已革皖南道李元度上下夾擊分路前進

維時咸甯縣知縣金東昫督率鄉團約會水師嚮導

新前等營蒲圻縣知縣孫寶田會同釐局候補知府

但湘良督飭守卡礮船及各團勇均於六月初二日

將縣城收復適李元度所部各營自平江拔營將馬
港乾塘坳麥園何葛墩等處節節掃蕩賊遁入通
城於西門外孤嶺山築堅壘二座賊首僞黃天福伍
逆榮天豫陸逆勤天豫何逆均踞城中約四千餘人
將城加高安設滾木梅花椿爲久踞之計李元度於
六月初三日五鼓派游擊李正盛等五營進攻西門
一路又派守備王保清等帶柏字等營進攻東門一
路該道自率都司王連發等帶親前等營進攻南門
中路先將黃泥坳賊卡攻破鎗斃多名署通城縣知
縣傅詩督帶團紳會合兵勇直趨孤嶺山賊壘該逆

開礮抗拒我軍奮勇猛撲將火彈延燒賊棚煙燄迷
天逆眾慌亂退入西北門我軍跟蹤進城殺賊三百
餘名逆眾向崇陽奔逃卽於初三日克復通城縣城
餘賊或向南樓嶺越竄有由桂口司歸併崇陽者李
元度派各營進紮桂口自率岡字川字及親兵兩營
駐守通城初五日營務處陳奉彝李元嘉周綬等率
五營直逼崇陽南門外山岡約會崇陽縣知縣王筠
節勘明進兵路徑誘賊出戰該逆伏匿不出初六日
該營等與地方文武分三路進攻悍賊千餘人拒戰
其餘逃往寒泉大源一帶係往通山義甯之路各營

鼓勇進擊鎗斃百餘名該逆抵敵不住且戰且逃我軍追殺百餘名生擒七名奪旂三十一面又行李百餘挑救出難民百餘名卽於初六日克復崇陽縣城何紹彩等復由咸甯進剿搜殺餘匪此省西各城邑收復之實在情形也成大吉等率馬步各軍由武昌縣屬之保安金牛沿途剿洗踏平賊壘殺賊甚多所有分擾興國大冶通山之賊各州縣地境處處濱臨湖港經水師節節堵剿各該州縣文武率同團勇分守要隘賊已不能逞志嗣見金牛大股挫敗我軍分道齊至聞風逃遁竄往義甯各該州縣地方均於初

胡文忠遺集卷四

秦疏

九

六七兩日一律掃蕩淨盡此省南一路各州縣同時收復之實在情形也現在李元度之軍已乘勢追出江西之義甯州并已移會江西交界各州縣實力堵剿由帶兵文武及地方官稟報前來查此次逆匪竄入楚境號稱十萬南岸州縣到處蔓延計圖窺伺省垣并勾連北岸之賊幸水陸各軍奮力攻擊旬日之內連克各城風聲所至賊眾膽寒現在南岸一律肅清堪以仰紓

宸厯查通城崇陽俱與江西義甯

接壤當逆賊竄擾義甯時通城縣知縣傅詩卽帶團勇於義甯交界之苦竹嶺防守不料該逆已由南樓

嶺一路竄入縣城崇陽縣知縣王筠節正在義甯交界之小山界招集團勇力扼賊路而該逆已由通城突至以致倉猝失守城池該二員實無賊至逃避情事雖旬日之間旋即隨同官軍克復究屬未能先事預防應請革職署咸甯縣知縣金東昀署蒲圻縣知縣孫寶田均於大軍未到之前自行設法收復縣城尙知奮勉均請革職暫畱本任署武昌縣知縣龍雲到任僅止月餘雖經賊匪闖入縣城旋即隨同官軍收復代理興國州知州徐芝代理大冶縣知縣王墉署通山縣知縣王紹薪均履任未久雖縣境被賊肆

胡文忠遺集卷四

奏疏

十

擾仍督率紳團與水師扼要堵禦賊匪不能久踞以上四員或向無城池或僅擾及境內或雖有城池而旋失旋復均無賊至逃避情事然亦未敢以隨同克復邀請免議應請於補缺後革職畱任所有在事尤爲出力員弁兵勇容俟查明核實保獎恭候

恩

施除陣亡受傷各員另行辦理外所有官軍分路剿辦連獲大勝克復通城崇陽等縣城池並剿退興國大冶通山各地方現在南岸一律肅清各情形謹會摺由驛六百里馳

奏

遴保才勝道府各員疏

七月二十二日

竊臣於咸豐十一年四月初三日準吏部咨開文選司案呈內閣抄出咸豐十一年三月初四日奉

上諭現在各省軍務未竣亟應簡拔人才講求吏治以期康濟小民俾無失所各該督撫於所屬各員平日立品居官知之有素著擇其廉潔自愛任事實心及素著循聲民情愛戴堪勝道府者臚列政績出具切實考語酌保數員候旨簡用其道員及州縣各官如有出色之員著一併核實保奏倘所保之人查有貪污劣蹟或名實不符朕惟該督撫是問其各力除積習秉公保薦毋得瞻徇情面任令屬員夤緣倖進

胡文忠遺集卷四十七奏疏

十一

副朕知人安民至意欽此仰見我

皇上慎選真

才康乂小民之至意跪誦之下欽惕難名臣維戡亂之畧求才爲先事君之義薦賢爲本謹就通省

所屬各員中逐加考察精心遴選查有鄖陽府知府調署武昌府知府李宗燾器識遠大體用兼該道銜漢陽府知府劉齊銜識見精密任事實心鹽運使銜本任德安府知府李映棻才具宏通操守廉潔均堪勝道員之任坐補江西永豐縣知縣張建基政有本原愛民如子揀發知州署棗陽縣知縣王璐品行端方官聲清卓同知銜江夏縣知縣夏錫麒守潔才優

結實可靠候補同知文希范立志誠篤任事穩練候補同知直隸州鍾謙鈞通達政體才識兼優均堪勝知府之任以上八員其平日立品居官皆臣所素知亦眾所共信相應請

旨將鄖陽府知府調署武昌府知府李宗燾道銜漢陽府知府劉齊銜鹽運使銜本任德安府知府李映葵俱交軍機處記名遇有湖北道員缺出請

旨簡放坐補江西永豐縣知縣張建基免其坐補江西永豐縣知縣記名以湖北知府用揀發知州署棗陽縣知縣王璐免補知州記名以湖北知府用同知銜江夏縣知縣夏錫麟開缺

胡文忠遺集卷四十七 奏疏

十一

記名以湖北知府用候補同知文希范免補同知記名以湖北知府用候補同知直隸州鍾謙鈞免補同知直隸州記名以湖北知府用理合具摺陳

奏 克復德安郡城并分路追剿情形疏 七月二十四日督發

竊臣等前派副都統舒保即用道員金國琛水師副

將張啟基率水陸各軍圍攻德安府城前將連獲勝仗情形先後 奏報在案嗣陸軍添築礮臺水師沿

河排轟該逆仍恃其壘卡重濠堅忍死守我軍復率各營弁勇分途開挖地道節次轟發地雷雖城身屢

次坍塌而逆眾立時搶堵我軍忘命登陴輒爲礮石所阻六月下旬金國琛等激勵士卒築隄蓄水環城浚濠以四面長圍困其城賊絕其賊援嗣長圍將成金國琛等遂於七月十一日早令蕭慶衍率毅右營趙太和率爲左營李續遠率強右營朱吉玉率爲右營王玉藻率溥左營王載駟率元中營葛清泰率瑞左營於東西南三路長濠上預爲埋伏又派德安知府阮福安陸知縣李泰源參將阿昌阿督帶練兵鄉團於西北兩路扼守又派楊富有率亨中營扼截北門彭星占率信中營扼截西門又派于高勝等率貞

左等營斜出西南邀擊而令彭炳武等率剛右等營爲左右翼包抄金國琛與陳得升等率選前副前等營出中腰衝擊是日午後布置甫定城賊由西北門出七八千人揚旂吶喊且前且卻者數次我軍號礮一聲蕭慶衍于高勝等率各營左右抄擊舒保督馬隊往來衝突水師張啟基沿岸排礮轟攻并分隊登陸接應賊眾披靡潰亂忽城賊又出五六千人圖抄我軍之後楊富有等俟賊隊盡出扼其西北門歸路大呼奮擊會合各路馬步縱橫截殺敗賊盡奔河西我軍趙太和等伏兵四起急架雲梯一鼓緣登連斬

守城悍賊多名立將郡城克復共斃城內城外老賊三千四百餘名生擒正法者八百二十六名拔出難民共男婦二千七百餘名奪獲馬匹旂幟鎗礮無算此節次水陸圍攻七月十一日酉刻克復德安郡城之情形也舒保金國琛等審察敗賊必分走隨州應山各路當酌派隊伍令阿昌阿阮福等搜捕零賊卽於是夜戌刻派彭炳武等馬步七營連夜馳赴應山一帶追截金國琛率步軍十二營會同舒保馬隊連夜向隨州一路跟追且戰且進十二日早追賊至平林市遇敗賊麇集我軍列隊圍剿斃賊千餘是日二

更追賊至西河距隨州二十里又爲我軍截斃三千餘名十三日追賊至吳家店十四日追賊至萬家店皆應山所屬沿途斬馘極多屍橫遍野統計追剿賊共六千有奇內紅衣黃袍賊目數十名又生擒一百餘名餘賊逃匿應山信陽各鄉因馬步晝夜追剿均形疲乏遂收隊駐營隨州相機勦辦各等情據舒保等馳報前來查該逆盤踞德郡窺伺荆襄蓄謀甚毒先經臣等於荊州襄陽安陸等屬派撥水陸各軍節節嚴防嗣克復孝感後移師直搗德安而逆眾恃其城濠深固死守待援起獲逆眾名冊實有二萬二

千一百四十六人之多我軍礮攻不下繼以地道又繼以長圍攻勦數月之久士卒傷亡實多今仰賴

聖主威福將士齊心用命得以克復堅城斬馘幾及萬眾實足以申天討而快人心鑲黃旗漢軍

副都統倭什洪額巴圖魯舒保忠勇善戰布政使銜廣東臬司彭玉麟于長江內湖布置師船調度有方應如何加恩之處伏候聖裁按察使銜卽

選道員金國琛擬請賞加布政使銜以道員

記名簡用記名總兵剛勇巴圖魯蕭慶衍擬請

賞加提督銜記名總兵彭炳武擬請交部從

胡文忠遺集卷四

奏疏

五

優議敘總兵銜儘先副將成得升總兵銜儘先副將周忠容均擬請免補副將以總兵記名簡放總

兵銜新授廣東南雄協副將張啟基擬請以總兵記名簡放儘先副將楊富有儘先副將劉長槐均

擬請賞加總兵銜副將銜儘先參將朱吉玉擬請免補參將以副將儘先推補並請賞加勇號

記名總兵彭星占總兵銜儘先副將李績遠總兵銜

儘先副將趙太和總兵銜儘先副將王載駟以上四

員均擬請賞給各該員祖父父母正二品

封典儘先副將于高勝儘先副將郭鵬程儘先副

將王聯芳三員均擬請

賞給各該員卹父母父

母從二品

封典儘先選用游擊水師嚮導營都

司王吉請免補游擊以參將儘先推補湖北候補同知吳廷華擬請以知府升用均出自

天恩其餘

在事出力員弁兵勇再由

等確查覈實另行籲懇

恩施除德安郡城善

後事宜選委幹員馳往查

辦并先經咨明河南撫

飭屬一體防剿一面咨行

舒保等會同劉嶽昭一軍將隨州踞逆迅速殄除仍查明陣亡受傷弁勇另行辦理再舒保等連日拔隊遠追是以

等奏報稍稽合併陳明所有攻克德安

胡文忠遺集卷四

奏疏

六

郡城及連日追剿敗賊情

形謹會同幫辦軍務福州

副都統多隆阿繕摺由驛六百里馳

奏

再道員劉嶽昭一軍圍攻隨州六月二十五日黎明

賊出東門將偷割馬草採取薪木經英左兩營伏勇

直起擊之副後俊健三營亦同出狙擊斃賊數人擊

傷十數人溺水者約二十餘人奪獲旂械等件餘賊

仍退入城二十六日辰刻復率股自西南兩門張旂

整隊而出時我軍右營伏於兩河嘴之間奮起擊退

先鋒營營官劉復勝獨先衝突立殺悍賊三人鼻梁

受鉤傷猶奮勇追至賊卡斃賊二名適右腹中賊擡

子傷從旁突出爲親勇負回賊未入卡各營跟蹤追
之雄俊兩營伏軍亦從西北抄擊生擒三人斃賊三
十餘人奪獲旂械不少正擬乘勢奪門而城賊復出
千餘隔壕奮施鎗礮礙難輕進遂收隊回營是役我
軍陣亡二名帶傷十一名惟營官劉復勝傷重醫治
需時是夜西門賊旂紛動劉嶽昭派名營四面設伏
二十七日黎明賊眾麇集於西南各路我軍分道夾
擊斃賊百餘生擒十四名奪馬二四各色旂幟十三
面鎗矛十二件正值痛剿時俊營營官擬保參將銜
花翎游擊劉復勝被城賊礮擊負痛下馬親勇扶回
片時陣亡等情據劉嶽昭稟報前來除仍飭該道督
率將士設法進攻迅圖克復外 等查擬保參將之
參將銜花翎游擊劉復勝隨同百戰屢著懋功今苦
戰陣亡深堪憫惻合無仰懇 天恩俯準飭部將
劉復勝照參將例從優議卹以慰忠魂出自 鴻
施其餘陣亡受傷勇丁另行分別辦理并飭取陣亡
劉復勝出身事蹟清冊送部外所有官軍接仗獲勝
及營官陣亡情形謹合詞附 奏

再圍攻德安迭次攻城打仗陣亡之藍翎都司歐陽武藍翎守備胡炳元守備羅芳泰藍翎千總易昌明王榮華周得勝擬保守備銜千總藍翎把總劉再久秦瑞芝藍翎把總楊友勝把總彭光明劉正先藍翎外委張玉和鍾瑞集外委駱光前黎久敬或首先登陴或衝鋒陷陣躬冒矢石先後捐軀實堪憫惻相應仰懇 天恩飭部各照原銜原官從優議卹以慰

忠魂此外陣亡受傷弁勇查明另行辦理合併附陳上諭官文等奏請將陣亡各員弁議卹等語湖北官軍圍攻德安迭次攻城打仗各員弁先後力戰捐軀殊堪憫

胡文忠遺集卷四十一 奏疏

六

惻都司歐陽武守備胡炳元羅芳泰千總易昌明王榮華周德勝擬保守備銜千總藍翎把總劉再久秦瑞芝把總楊友勝彭光明劉正光外委張玉和鍾瑞集駱光前黎久敬均著交部各照原官原銜從優議卹以慰忠魂欽此 八月二十一日奉

奏陳病勢增劇懇請開缺調理疏 七月二十七

竊臣自太湖回省因病勢日重奏懇續假於六月十

七日內閣奉 上諭湖北巡撫胡林翼著再賞假

兩箇月在署調理欽此近日以來多方醫治原期及早痊可庶竭篤鈍力遏賊氛以紓 聖主南顧之

憂無如欬逆彌甚嘔血日至升餘形銷神瘁氣息奄奄據醫云積勞內傷肝胃損敗久病之後攻補兩窮非專心靜養服藥刻難奏效督臣官文數視臣疾輒爲流涕卽同官來見無不悲臣之志而憂臣病之危也臣受恩至深負罪至重雖肝腦塗地未堪自

贖何敢稍顧微軀惟臣神志昏瞶元氣大虧閱案牘不過數行眼目卽爲昏黑行動須人扶持乃能起立臣之一身本不足惜力疾從事已逾一年軍務地方實多貽誤現在南岸一律肅清北岸之賊有安徽撫臣李續宜督辦必能次第掃除再四思維惟有仰懇

明史 文忠遺集卷七 奏疏

九

天恩賞準開缺回籍俾得安心調理應俟到籍之日再行呈明地方官吏照例終制臣年甫五十未至篤老倘得靜心調攝病勢稍差一息尙存仍當捐軀圖報斷不敢稍耽安逸自外生成所有警病勢增劇懇請開缺回籍緣由謹恭摺附驛馳陳

上諭胡林翼奏病勢增劇懇請開缺一摺湖北巡撫胡林翼著再賞假兩箇月在署安心調理毋庸開缺湖北巡撫著李續宜暫行署理欽此 八月二十六日奉

請卹陣亡之大冶縣知縣疏 八月十三日

竊查湖北大冶縣知縣倪應頤於咸豐十一年二月

十二日因剿匪墜馬受傷殞命當經臣等具題開缺並飭查明如何受傷殞命據實詳候核辦各在案茲據署武昌府知府李宗燾查明該員於本年二月初間因皖逆竄陷黃郡距縣僅隔一江該員會督弁紳在於黃石港籌辦江防於三月初五日夜突有匪徒竄入縣市滋擾該員聞報隨即會同城守把總蔡紹陽典史李啟泰督率兵勇立時擊散旋因羽黨復聚於該縣東方山梅山寺地方該員於三月十二日會同興國營參將溫發魁把總蔡紹陽帶兵前往剿捕該匪放鎗拒敵以致該員中鎗墜馬因傷殞命當

明又忠遺集卷五十一奏疏

三

經斬水縣帶勇之守備彭心友趨至會同溫發魁等將匪逆奮力搜剿盡淨等情詳報前來臣等查大治縣向無城垣該員倪應頤前於匪徒突入縣市滋擾立即會同營弁督率兵勇當時擊散尙知愧奮迨聞羽黨復聚星夜集勇請兵會同往捕並能奮不顧身率勇力敵以致受傷墜馬殞命實屬臨陣捐軀情堪憫惻合無仰懇 天恩俯準 敕部從優議卹

以慰忠魂而勵 臣節謹會同督 臣 官文恭摺具 奏

再統領安慶全軍卽用道曾國荃管帶湘恆等營國子監學正銜侯選訓導曾貞幹均係兩江督 臣 曾國

藩胞弟國荃隨同該大臣出師軍營迭次著績荷蒙

天恩擢以道員卽用前因督臣曾國藩帶兵赴

援浙江派令國荃圍攻安慶後經臣等以安慶圍師太單增其弟貞幹率部千人會同勦辦該員等自進攻安慶相度地勢審探賊情開挖長濠苦守苦戰力禦援賊十數萬眾潛疏地道設計進攻堅城得以克復城逆無一漏網該員等智勇兼施厥功甚鉅合無仰懇 聖恩賞加曾國荃布政使銜以按察使

記名簡用國子監學正銜候選訓導曾貞幹請免選本班以同知直隸州儘先選用並請 賞戴花

胡文忠遺集卷四七奏疏

三

翎均候 聖裁又投誠賊目程學啟係安徽舒城

縣人被脅充當偽職本年二月經湘恆營曾貞幹招降收錄免罪立功程學啟投誠以來改過自新奮勇圖報統領道員曾國荃立爲開字營數月之內屢次血戰殺賊甚多實爲軍中有用之才可否 賞準以游擊歸部儘先卽選並 賞戴花翎以示鼓勵

出自 鴻施謹附片陳明

再曾國藩兄弟忠義孝友萃於一門候選同知曾國華前於咸豐八年在三河殉難蒙 恩追贈道員其兄曾國藩現任兩江總督率師東征備盡勤勞其

弟候選道會國荃率其季弟曾貞幹帶勇圍攻安慶
一年之久屢挫援賊卒能克復名城殲除逆黨無一
漏網厥功甚大臣等每聞其臨陣誓師忠憤激發而
念及國華殉難尤歔歔流涕不能自已軍士均爲之
感動現在會國荃曾貞幹已由臣等奏請加等保
獎可否仰懇 皇上特恩將前在三河殉難追贈
道員之會國華 隆施破格 給予謚法以爲

一門忠義者勸謹合詞附片具陳

再陳湖北危窘情形籲懇減成收捐疏 八月二

十二日

胡文忠遺集卷七 奏疏

三

咸豐十年十二月二十五日臣會同湖廣督臣官文

具 奏以楚軍欠餉甚鉅無可設措籲懇 天恩

俯準仍照前議以救飢軍以扶危局一摺奉 硃

批戶部速議具奏欽此十一年二月二十九日奉準

戶部咨復議稱臣等復查直隸廣西等省捐米凡報

捐實職照例統減三成臣等公同商酌應按臣部前

議收捐實職等項照例減二成遞減一成再行酌減

請援照直隸廣西等省減成章程準該省收捐實職

虛銜貢監統減三成其報捐升銜加級紀錄 封

典等項仍照例減四成再遞減一成核收以示限制

至原請收捐米一石作銀五兩前經臣部查該省上

次奏定每石作銀三兩四錢之案酌加銀一兩每石

作銀四兩四錢較之原請數目僅核減銀六錢且現

在福建奏請收捐米石由海運通連耗米腳價每石

作銀四兩九錢經臣部酌核每石作銀四兩四錢今

楚省捐米就近支撥軍餉無須腳價每石以四兩四

錢核算已屬格外加增若如該撫所請則福建捐米

作價較少轉得有所藉口於捐輸京倉米石事務殊

多窒礙臣等未便議準應令仍照臣部前奏辦理又

捐輸折色一節亦經臣部奏令仍按銀數計算茲復

胡文忠遺集卷四十七 奏疏

三

請每石捐銀二兩五錢是以銀折米復以米合銀未

免輾轉繞算徒滋取巧應毋庸議奉 硃批依議

欽此此固部臣慎重名器之心亦顧全捐輸京倉米

石之意自應卽遵照部議辦理惟現在楚省危急之

形與飢潰之勢日甚一日較之上年議辦減捐時岌

岌實踰百倍有不得不爲 皇上瀝陳者上年賊

踞皖桐間雖逼近楚疆而楚境尙無賊也今春賊由

英山一路竄踞黃州德安江西之賊又於夏間竄擾

興國大冶通山通城蒲圻崇陽一帶省垣萬分危急

河南捻匪又復擾及襄陽光化一路勢不能不添兵

募勇以救然眉積欠征餉已數百萬兩而又加以添募之餉何出措辦上年尙有本省錢漕可征釐金雖細亦尙未盡停歇今歲精華之地多遭蹂躪武漢黃德襄等府錢糧多滯釐金盡停僅贍荊州宜昌等府而四川賊亦鴟張川貨川鹽俱阻隔不以致荆宜釐課亦減減成收捐一事又以章程未定應者寥寥軍營征餉萬分支絀臣前在太湖行營守備徐步鼐持刀索餉尹中鈺潘中和嚴正興等歃血要盟鬧索口糧俱經臣由驛附奏先後正法在案履霜堅水

至此後愈欠愈多恐有非軍法所能禁遏者每念及

胡文忠遺集卷七 奏疏

西

此寢食俱廢且兩年以來歷請部撥協款並無一處解到老是則湖北此時無地生財無處求助萬分無奈之計固惟恃此減成之捐輸耳夫捐輸一款雖照原請減成章程辦理尙須苦心開導未能望其踴躍輸將如照部議所減更恐裹足不前軍餉尙何所望查原請章程凡捐實職虛銜貢監照例減四成升銜加級各項減四成遞減二成部臣謂應援照直隸廣西等省減成章程收捐實職虛銜貢監統減三成其報捐升銜加級紀錄封典等項仍照例減四成再遞減一成核收以示限制臣於直隸廣西等省減

成章程未得其詳然如福建之以鐵錢捐安徽之以
餉票捐河南之以臺票鈔票捐臣前次奏稱其名
爲三成實不止此恐直隸廣西等省未必不同蓋亦
一時權宜之計也原請捐米一石作銀五兩部臣謂
收捐米一石準其作銀四兩四錢較之原請數目僅
核減銀六錢溯自上年奏請減成後復行奏明
試辦卽派員持照四處勸諭業已稍有成數今若議
加則已捐者未能辦冊未捐者因之裹囊且所加無
多實於湖北軍餉大有關係總之湖北之捐視其名
似於各省稍減核其實較於各省有加斷不敢過爲

胡文忠遺集卷七 奏疏

五

苟且致妨大局至謂福建收捐海運米每石僅作銀
四兩四錢今楚省捐米若作銀五兩則福建捐米作
價數少轉恐有所藉口於捐輸京倉米石事務殊多
窒礙此亦部臣之過慮耳夫福建自行福建章程湖
北自行湖北章程因地制宜何能一律且福建係運
京倉米石湖北係充大營軍食兩不相涉何憂窒礙
是固宜變通辦理者也又原請章程凡捐輸折色者
每米一石捐銀二兩五錢部臣謂是以銀折米復以
米合銀未免輾轉繞算徒滋取巧應毋庸議不知以
米合銀實於捐例無損而於捐款有益如部臣之議

不準收捐折色是必全收本色竊恐千里饋糧水陸
運費將至不貲其間所損尤屬甚鉅總之部臣所議
實經常之道楚北所請乃權變之宜湖北但有一錢
生機足以稍資支放何敢爲是再三之瀆無如軍餉
積欠太多大營飢潰堪虞實有朝不保夕之勢時局
岌岌非敢故爲危詞且刻下京中經費浩繁現準部
文催餉甚急臣已將征餉暫停儘力先籌京餉然軍
士嗷嗷實深焦灼臣籌措無術負罪已深唯有籲懇
皇上逾格恩施俯念危疆 特降諭旨準照

原請章程凡捐實職虛銜貢監者照例減四成升銜

胡文忠公遺集卷十七 奏疏

三

加級各項減四成遞減二成捐米一石作銀五兩交
折色者每米一石捐銀二兩五錢庶得補收捐項接
濟軍食以期拯救於萬一其專歸銅局各條並補交
四成實銀者仍不準收以裕京餉所有部議折成收
捐章程實難遵照辦理緣由謹會同湖廣督臣官文
具摺馳 奏

胡文忠公遺集卷四十八

長沙鄭敦謹

纂輯

永康胡鳳丹重編刊

湘鄉曾國荃

請

優卹楊嘉運等片

咸豐六年十月初八

再湖北省歷年剿賊陣亡殉難各官紳因武漢屢次失守案卷被焚未經隨時查辦屢飭藩司設立節義局轉飭各地方官紳確查隨時詳辦去後茲據布政使馬秀儒詳稱知府銜卽用同知直隸州前任隨州知州楊嘉運於咸豐四年三月因德安府城失守逆匪竄入州境該員率在籍候選縣丞王青綬等督

胡文忠公遺集卷四十八

奏疏

一

帶練勇於四月二十六七八等日節次在馬坪港環潭安居等處殺賊數百名該員乘勝追至九里崗手刃黃衣長髮賊目數名嗣被賊匪從後抄截該員箭傷落馬經王青綬等上前救護遇大股賊至眾寡不敵隨與縣丞王青綬隨州生員馬漢祥並該員家丁桂才勇目沈珍舒高發等同時陣亡除勇目沈珍等人數眾多查明另案彙詳外該員楊嘉運帶勇殺賊並手刃賊目多名因眾寡不敵力竭捐軀原驗身首異處深堪憫惻又

賞加升銜前任武昌府同知

姜國祺委辦軍需總局於咸豐四年六月初二日省

城復陷該員督帶兵勇執劍巷戰在橫街頭手刃數賊力竭難支與家丁艾四李春同時被害又前任大冶縣知縣汪榮基畱省委造礮臺巡查望山武勝各門街道咸豐四年六月初二日省垣復陷該員督勇巷戰與幕友馮助之家丁柴升同時被害又同知銜前任武昌縣知縣何開泰畱省派守漢陽門於咸豐四年六月初二日當逆匪攻城之際該員執械立斃賊目二名嗣因城陷與家丁姚福葉和同時被害又運同銜候選直隸州前任麻城縣知縣姚國振於咸豐四年二月札調帶勇援應漢陽並委候補按察司

司獄李克慎協同勦賊節次在宋埠三店柳子港等處打仗獲勝斃賊多名嗣因迎風力戰與李克慎衝入賊陣被眾賊刀械交加同時殉難又前署麻城縣事本任雲夢縣知縣韓寶昌於咸豐四年三月二十七日因逆匪竄擾縣屬之宋埠該員督帶練勇迎敵獲勝追至龍困橋地方是晚被賊圍住與家丁曹貴曹啟運差役羅愷等同時陣亡除羅愷等人數眾多查明另行彙詳外該員韓寶昌與家丁曹貴曹啟運被害甚慘又前任黃陂縣推升廣東瓊州府同知呂錫麟前因案撤任來省委守文昌門於咸豐四年六

月初二日省城復陷遇賊戕害又揀發同知陳錫熙
因委守漢陽門盤查奸細咸豐四年六月初二日省
城復陷該員罵賊不屈與家丁徐貴同時被害又試
用知縣單維楷奉委看守賓陽門梁口於咸豐四年
六月初二日復委赴湖南催餉甫抵武勝門遇賊交
戰斃匪多名因力竭不支被賊戕害體無完膚與家
丁王升安太同時殉難又丁憂尙未回籍試用從九
品王以南於咸豐四年六月初二日省城復陷該員
因擊沈賊船數隻被東門眾賊圍住遇害並據該藩
司詳明前司以該員屢著戰功保升府經歷縣丞先

胡文忠遺集卷四八奏疏

三

給六品頂翎曾否詳奏無案可稽應請 敕部查

明議卹又前任鄖縣典史補用府經歷縣丞馮春輝
於咸豐四年六月初二日省城復陷該員帶勇堵剿
身受多傷與次子童生馮維相同時殉難又署江夏
縣縣丞借補鶴峯州州判本班布政司經歷余裕祖
於咸豐四年六月初二日省城復陷該員與子同時
在城內年旺街被害其子何名有無官職子嗣因無
家屬具報無憑查考應請 敕部咨查該員祖籍

順天宛平縣寄籍安徽休甯縣轉飭查明議卹又前
署武昌府教授枝江縣候選訓導張一芝於咸豐四

年六月初二日省城復陷該員在明倫堂罵賊被戕
又前署京山縣縣丞試用縣丞姚拱辰於咸豐四年
閏五月十五日在縣屬孫家橋地方帶勇防堵遇賊
接仗與家丁鄧明同時陣亡又京山縣籍從九品李
宏春監生李先春因賊匪上竄弟兄捐貲同辦團練
殺賊甚多咸豐四年五月二十八日帶勇出隊在朱
家嶺地方乘勝窮追猝遇伏賊致李宏春李先春同
時陣亡又前代理荆門州吏目事試用從九品李樹
聲於咸豐四年四月初六日帶勇防護州城遇賊戕
害又前任蘄州州判魏作霖因賊匪犯境該員帶勇

於咸豐四年十月十四日在州屬野堂嘴地方打仗
陣亡又前任黃梅縣教諭漢陽縣舉人揀發知縣宋
贊元在任督辦團練幫同收復縣城獲糧濟餉斃匪
多名咸豐四年十二月十二日因遇大股賊匪兵勇
潰散該員力戰受傷與家丁姜宏烈同時被害又前
署武昌府同知升用同知劉士哲前任廣西湖南屢
著戰功到任後正值逆匪上竄咸豐五年正月初八
日漢陽失守該員捐貲募勇督帶渡江連平賊壘數
座殺賊甚多嗣因追賊遇害體無完膚隨從數十人
同時陣亡除隨從人查明另行彙詳外該員劉士哲

被害甚慘又前任武昌府訓導邱兆鏞於咸豐五年正月初四日委赴漢鎮募勇甫至江邊卽遇賊匪該員罵賊被害又揀發從九品姚福山前在臣營派委監印咸豐五年八月初八日在漢陽麥山潰散出營嗣尋獲關防後查明該員實係被賊戕害又前調臣營當差之恩施縣典史升用府經歷縣丞吳世錦亦經查明實於咸豐五年八月初八日麥山潰散遇賊戕害各等情詳請核奏前來臣查知府銜卽用同知直隸州前隨州知州楊嘉運候選縣丞王青綬隨州生員馬漢祥賞加升銜前任武昌府同知姜

國祺前任大冶縣知縣汪榮基同知銜前任武昌縣知縣何開泰運同銜候選直隸州前任麻城縣知縣姚國振候補按察司司獄李克慎前署麻城縣事本任雲夢縣知縣韓寶昌前任黃陂縣推升廣東瓊州府同知撤任知縣呂錫麟揀發同知陳錫熙試用知縣單維楷丁憂試用從九品王以南前任鄖縣典史補用府經歷縣丞馮春輝並其次子童生馮維柏調署江夏縣縣丞借補鶴峯州州判本班布政司經歷余裕祖前署武昌府教授枝江縣候選訓導張一芝前署京山縣縣丞試用縣丞姚拱辰京山縣從九品

李宏春監生李先春前代理荆門州吏目事試用從九品李樹聲前任蘄州州判魏作霖前任黃梅縣教諭漢陽縣舉人揀選知縣宋贊元前署武昌府同知升用同知劉士哲前任武昌府訓導邱兆鏞揀發從九品姚福山恩施縣典史升用府經歷縣丞吳世鼎等或捐軀殉難或力戰陣亡或因帶勇拒敵而傷身或爲團練殺賊而殞命甚至幕友家丁奮不顧身同被戕害均屬忠烈可嘉可否仰懇 聖恩俯準敕

部從優議卹以慰忠魂其王以南一員有無保升案據余裕祖之子何名有無官職子嗣現無該故員家

胡文忠遺集卷四八奏疏

六

屬在楚無憑查考應請由部咨查原寄籍聲覆核辦至殉難之幕友馮助之家丁桂才艾四李春柴升姚福葉和曹貴曹啟運徐貴王升安太鄧明姜宏烈等可否在各該故員名下一併附人出白 皇上逾格鴻慈除將陣亡勇目姓名飭司造冊咨部議卹並查明尙有殉難未報官紳隨時分別辦理外謹附片具奏奉

硃批

楊嘉運等均著從優議卹餘照所議辦理欽此 十月

二十二日奉

籲請

恩卹殉難文武員弁疏

七年正月二

竊臣前因湖北省自咸豐二年以來節次剿賊陣亡
殉難各官紳因武漢屢經失守案卷無存未能隨時
查辦因恐忠義之蹟歷久湮沒無以勸臣節而正人
心飭令藩司設立節義局並飭各地方官紳確查隨
時詳辦嗣據藩司馬秀儒將查明之前任隨州知州
楊嘉運等彙案詳報經臣於上年十月初八日奏請
恩卹在案茲據各屬陸續查明陣亡殉難文武
各官並殉難眷屬家丁共計一百一十六名口由藩
司彙詳請 奏前來臣查該文武各官等奮不顧身

胡文忠遺集卷學奏疏

見危授命但知各盡其分非求身後之榮惟疊奉

恩旨飭查請卹仰見

聖慈優渥風勵羣倫正

於表章忠孝之中隱示維持名教之道使正氣獲伸
於天壤則大義益炳如日星謹繕具清單恭呈

御覽仰懇

聖恩從優賜卹以勵大節而慰忠魂

此外尚有未經查明各官紳除飭催趕緊續查詳辦
不得稍有遺漏另行奏懇 恩卹外理合會同督

臣官文恭摺具 奏伏乞

皇上聖鑒訓示再湖

北省城迭陷文卷俱失

內有無經前督撫臣奏請

賜卹之處應由部

卷核議並請

敕部將

已奏各案抄單行知俾此後查辦不致重複合併陳
明謹 奏

胡文忠公遺集卷四十八終

胡文忠公遺集卷四十八 奏疏

八

胡文忠公遺集卷四十九

長沙鄭敦謹

纂輯

永康胡鳳丹重編刊

湘鄉曾國荃

陳惟和闔家殉難請賜優卹疏

七年二月二十八日

咸豐五年六月十七日內閣奉

上諭都察院奏

湖北紳士陳維本等遣抱呈家人陳升以闔家殉難未邀議卹等詞赴該衙門呈訴據稱該員胞弟前江蘇按察司司獄陳惟和於咸豐二年因差回至武昌適值逆匪圍城陳惟和並其母朱氏於城陷時率領男婦親戚等二十五人同時自焚情節甚為慘烈著

胡文忠遺集卷四十九

奏疏

官文胡林翼按照所呈姓氏人數詳細查明據實具

奏欽此欽遵在案查浙江山陰縣命婦陳朱氏先年

隨夫陳志伸游幕來楚寄籍江夏縣住文昌門城內

三子陳惟和係江蘇按察司司獄於咸豐二年十一

月因差回楚適粵匪圍城督勇守禦十二月初四日

城陷陳惟和率眾巷戰身受重傷次日逆匪入室搜

掠砍傷僕人吳福周發脅令闔家入會陳朱氏陳維

和母子罵賊不屈即率眷屬陳常氏陳楊氏陳葉氏

陳范氏陳江氏陳楊氏陳馮氏陳詩周陳詩義陳四

姑陳巧姑陳滿姑疎遺姑陳歡姑並戚眷苗朱氏徐

常氏徐王氏僕人吳福周發婢女翠雲吉慶桂花桃
花共二十五名口閉門自焚同時殉難陳惟本長子
陳詩興投井水淺未死乘隙逃避嗣省城克復陳詩
興入城收其殘骨稟經委驗詳報飭殮此時陳朱氏
長子陳惟本直隸候補通判在署邯鄲縣任內據山
楚逃出家丁報知前情陳惟本詳報丁憂卸事一面
稟經直隸藩司並報後任邯鄲縣咨移過楚因省城
復陷案卷被焚未及查詳奏辦陳惟本等赴都察院
呈請代 奏欽奉 諭旨查辦茲據監生陳惟炳

邀同江夏縣原籍族鄰加結呈報復經布政使馬秀

胡文忠遺集卷第九 奏疏

二

儒署武昌府知府嚴河森查報屬實詳請援照在籍
從九品王澤夏雲階全家殉難成案懇請加等

賜卹建立專祠並聲明陳朱氏因子陳惟和江蘇按
察司司獄任內 覃恩給予封典等情前來 臣查

前任江蘇按察司司獄陳惟和於咸豐二年因公同
楚適值粵匪圍城該員督勇守禦十二月初四日城
陷該員巷戰受傷隨母陳朱氏罵賊不屈並率領男
婦親戚僕婢共二十五名口一並自焚殉難一門忠
義大節凜然核與在籍從九品王澤夏雲階全家殉
難成案相符合無仰懇 天恩俯準 敕部查

照成案從優議卹以慰忠魂除將賚到冊結咨送各部暨咨都察院衙門查照並飭查此外殉難官紳隨時奏懇恩卹外理合會同督臣官文恭摺具奏

上諭胡林翼奏查明職官闔家殉難懇請優卹一摺江蘇按察司司獄陳惟和於咸豐二年因公回至原籍武昌府適值粵匪圍撲省城該員督勇守禦城陷後巷戰受傷隨母陳朱氏罵賊不屈並率領男婦親戚僕婢二十五名口一併自焚殉難一門忠義甚屬可嘉應如何從優議卹之處著該部查例具奏欽此

續請分別旌卹殉難紳民疏 三月初五日奉

胡文忠遺集卷五九 奏疏

三

竊臣查咸豐三年二月二十日奉 上諭向榮奏

查明安徽省城殉難官員開單請卹等語在籍從九品王澤夏雲階或被戕殞命或全家殉難同罹慘烈深堪憫惻均著照現在官階加等議卹並著於該地方建立專祠以慰忠魂又十月二十三日奉 上

諭太僕寺卿王茂蔭 奏請旌表殉難士民一摺軍

興以來被賊滋擾地方上庶人等或因罵賊致戕或因禦侮遭害甚至全家罹難闔室自焚雖貴賤之不同實節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬迅速

查明遇賊死節士民婦女等除照例應請旌表外其
殉難尤烈者並準其奏明請旨分別賜卹等因

欽此欽遵各在案臣查湖北省節年陣亡殉難官紳
人等因武漢屢次失守案卷被焚未能查辦諄飭藩

司督同武昌府設立節義局行令各屬查報經臣先
後將查明文武員弁奏請恩卹亦在案茲續據

各屬查明陣亡殉難紳民婦女由藩司馬秀儒彙造
清冊詳請具奏前來臣查清冊內開咸豐二年十

一月十二日漢陽城陷漢陽縣民人王巨卿隨前漢
陽府董振鐸守城堵禦不敵被害又漢陽縣學僧生

程元體隨母程汪氏率眷屬程愔乾等共八名口闔
門同時投水殉難又漢陽縣糧書王正佑並弟王正

禧管放勇糧漢陽府兵書朱家裕子朱功福刑書易
尙賢子易法煥雇工劉華蔭刑書萬光漢子萬宗賢

萬宗員均隨前漢陽府董振鐸守城被害又寄居漢
陽城內之順天宛平縣人原任漢陽縣蔡甸巡檢徐

中正之妻任氏母任李氏率子女徐祖麟等共六名
口當夜闔門自焚又二年十二月初四日省城失陷

江夏縣舉人曾繼成帶勇在保安門城上被戕伊子

凜生曾廣譽孫曾昭昀同日投湖殉難又江夏縣舉

人羅肇文同弟羅光益帶勇在望山門城上同時陣亡家屬羅陳氏等七名口同日自縊又江夏縣附生王人寶在省局總辦團防被戕身死又江夏縣廩生葛晉芳帶勇在文昌門城上堵禦被戕又江夏縣增生毛家桐在團局辦公服毒身死家屬毛吳氏等共四名口同日投水殉難又江夏縣生員路廷珍帶勇守禦城陷同家屬路歐陽氏等共三名口自縊殉難又江夏縣生員嚴宗浣隨繼母嚴楊氏率家屬嚴周氏等共十三名口闔門投井殉難又江夏縣文章崔學宗帶勇在望山門城上陣亡又江夏縣文章朱以

星帶勇在武勝門被戕身死又江夏縣幕友劉成帶勇在平湖門城上防堵被戕身死其女蕙娟戚婦湯鄧氏同日自縊又江夏縣人武昌府書吏劉有道自縊家屬劉張氏等一門八口同日服毒殉難又江夏縣人藩司書吏毛鳳翔率家屬毛朱氏等共八名口闔門自縊又江夏縣民人張東來同眷屬僕婦張世熙等共九名口闔門被戕身死又寄寓省城之大冶縣民人袁家賓率家屬袁余氏等共五名口闔門服毒殉難又寄居省城之漢陽縣人藩司書吏潘壽平隨前藩司梁星源辦理糧臺事務被害家屬潘易氏

等計五名口同時殉難又江夏縣民人朱博海並子
朱衍棠遇賊被害家屬朱何氏等一門八口同日縊
溺殞命又江夏縣廩生曾翼之妻宋氏率家屬曾卿
雲等一門八口同時自縊又江夏縣民人李明揚之
妻楊氏率家屬李誠太等一門八口同時投水殉難
又二年十二月初五日江夏縣民人熊良相之妻譚
氏率家屬熊正煥等一門八口在省城內同時自縊
又是月初九日江夏縣城內民人殷世俊率家屬殷
易氏等一門十口自縊殉難又四年四月十九日賊
犯黃陂縣屬東寺畝縣民陳殿琪因父陳啟輝帶勇
迎勦被圍往救遇害其伯祖母陳李氏被賊燒死雇
工殷開陽自縊殉難又四年八月十一月江夏縣耆
民吳作祚率眾殺賊在縣屬井東村地方被戕身死
又五年二月十七日省城復陷江夏縣人武昌府兵
書楊民哲隨前武昌府多山在北門城上防守被戕
身死其堂兄楊文宣堂姪楊永慶楊永康同日在署
被戕身死又五年七月十八日漢陽縣民人郭正章
在漢鎮橋口地方劉志友在漢鎮萬壽宮地方康萬
一在漢鎮大水巷地方各四團練殺賊被戕身死又
漢陽縣民人蔣萃峯在漢口地方因賊復團練之仇

與眷屬蔣王氏等一家五口同日被戕身死又漢陽
縣人漢陽府陰陽學王鑑堂遇賊追索禮部劄付鈐
記同眷屬王李氏等一家六口同時投河殉難又是
日賊燒漢鎮漢陽縣職員蕭通治之妻路氏率家屬
蕭光義等一門八口同時投河殉難又五年七月二
十七日江夏縣團勇楊天賜楊天祿楊天壽楊天喜
楊中秋兄弟五人在縣屬石嶺陣亡家屬楊李氏等
三口同日投水殉難以上共紳民男婦一百八十二
名口或戰禦捐軀骨肉相從殉節或闔門罹難眾心
同慕成仁洵屬忠烈可嘉且核與歷奉

諭旨準

胡文忠遺集卷九

奏疏

七

其奏明請

旨分別賜卹之例相符合無仰懇

天恩敕部分別從優議卹

旌表其餘冊開例

應議卹之陣亡勇丁紳婦陳世儒李先楷張有亮周
思維張兆文王宏茂楊元昌梅大吳爲才石明興石
明發胡德祖黃荆頭關少太馬玉名陳先茂劉敦化
龔小壽王大蕭宏蕭正高陳貴元劉永啟蕭鄔氏馮
楊氏劉張氏馮蕭氏余興盛唐順章余正佑胡丹亭
胡香廷胡祖榮胡金海胡國勝朱尙望朱大忠閔孝
鄭東華鄭祥華鄭占華趙萬盛趙成華趙成禮趙成
綱趙成傑趙成宗趙成國胡雲亭胡碧照涂福康涂

華明涂華清官紹鼎官丁妍官宗洛鄭從盛閔登洛
閔高從趙成信趙成永趙成榜趙二元趙懷祥徐純
永鄭光伊鄭銀玉朱兆烈宋銀玉朱章玉駱華國駱
立起程福建共七十三名口因公遇害之民人范明
榮康高奎余文章朱正芳雷福榮雷福春張正倫蕭
正華余國珍余國璜李凝云張立祥陽崇太李升共
十四名又例應 旌表之遇賊死節江夏縣舉人
盛際斯等其紳民婦女一千六百九十七名口雖授
命之情不一而取義之心皆同均堪憫惻合將彙造
清冊隨摺送部相應一併請 旨敕部查照冊開

胡文忠公遺集卷九 奏疏

八

姓名事實分別照例議卹

旌表以勵大節而慰

忠魂此外尙有未經查辦員弁士庶並已辦各案有
無遺漏除飭催趕緊續查詳辦另行奏懇 恩卹

外謹會同督臣官文恭摺具 奏伏乞 皇上聖

鑒再湖北省城迭陷文卷俱失此內有無前督撫臣

已經奏請 賜卹之處仍請 敕部查明並抄

已奏各案行知俾免此後查辦重複合併陳明謹

奏

硃批均照所請議卹該部知道欽此 四月十二日奉

胡文忠公遺集卷四十九終

胡文忠公遺集卷五十

長沙鄭敦謹

纂輯

永康胡鳳丹重編刊

湘鄉曾國荃

續請

旌卹節年殉難尤烈之官紳士庶疏

七年五月二十一日

竊查湖北節年陣亡殉難官紳士庶婦女人等前飭

藩司督同武昌府設立節義局行令各屬查報經

先後三次 奏明在案茲續據節義總局查報各屬

陣亡殉難文武員弁紳民婦女共七百九十七名口

由藩司馬秀儒詳請核 奏前來 臣查陳錦等二百

胡文忠公遺集卷五十 奏疏

八十五名口或親臨戰陣而慷慨捐軀或力守危城

而效死勿去從容就義大節無虧且核與歷奉

諭旨準其奏明請 旨分別賜卹之例相符相應

繕具事實清單仰懇 天恩敕部分別從優議卹

旌表其餘例應議卹之陣亡兵勇紳民詹尙太

等四十二名因公遇害之書差民人李光斗等十名

例應 旌表之遇賊死節紳民婦女汪傳懿等四

百六十名口舍生取義異地同情除飭藩司造冊送

部外並懇 飭部照例分別議卹議旌以慰忠魂

爾維風化此外尚有未經查辦各案容俟續催趕緊

查報另行 奏懇

恩施外謹會同督臣官文恭

摺具 奏

續請

旌卹節年殉難官紳士庶疏

七月二十一日

竊查楚北節年陣亡殉難官紳士庶婦女人等前飭藩司督同武昌府設立節義局行令各屬查報經臣先後四次 奏明在案茲續據節義總局查報各屬陣亡殉難文武員弁紳民婦女共三千五百三十六名口由藩司馬秀儒詳請核 奏前來 臣查惠瑗等四百七十四名口或臨陣捐軀或見危授命率合門而就義洵大節之無虧且核與歷奉

胡各道集卷五十一奏疏

二

諭旨準其

奏明請

旨分別賜卹之例相符相應繕具事實

清單仰懇

聖恩飭部分別從優議卹

旌表

其餘例應議卹之陣亡兵勇紳民馬占鼇等七百三十二名口因公遇害之王平福等五十六名口例應旌表之遇賊死節紳民婦女胡壽堂等二千二百七十四名口舍生取義先後同情除飭藩司造冊送部外並懇 敕部照例分別議卹議旌以慰忠

魂而勵臣節此外尙有未經查辦各起容俟續催赴
緊查報另行奏懇 恩施謹會同督臣官文恭摺

具 奏

請 卹陣亡袁得勝等片 七年九月二十八日

再湖北馬步各營節次陣亡員弁有隨時 奏懇

恩卹者亦有續行查辦者茲霆營六品軍功哨官
袁得勝於咸豐七年正月初五日攻打小池口賊壘
陣亡馬隊黑龍江鑲藍旂披甲獎賞藍翎布庫吉爾
嘎勒五月十六日在大河鋪打仗陣亡正藍旂獎賞
藍翎披甲德凌五月二十七日在蘄州鴨公嘴胡家

胡文忠遺集卷五 奏疏

三

涼亭打仗陣亡吉林鑲黃旂披甲獎賞藍翎常林七
月十一日在孫家嘴打仗陣亡吉林正藍旂披甲獎
賞藍翎慶福七月十六日在上巴河打仗陣亡吉林
正藍旂甲兵獎賞藍翎恩特恆額黑龍江鑲紅旂甲
兵獎賞藍翎吉里喜七月初一二等日在黃梅十里
鋪打仗陣亡已故總兵王國才營內六品軍功哨官
程光大五月二十八日在黃梅縣打仗陣亡寶營湖
南新化縣候選從九品鄒世範訓營藍翎外委唐敏
道外委胡宏來湖南耒陽縣候選訓導姚緣全均於
閏五月十九日在蘄州分路街獅子口打仗陣亡守

備李菊生把總曹華山均於閏五月二十七日在蘄州胡家壩打仗陣亡忠營湖北江夏縣生員桂敦臨閏五月二十七日在蘄州胡家壩打仗陣亡水師正右營藍翎守備銜儘先千總王迎發六月初一日攻打湖口陣亡智營藍翎把總姚家禮把總李得太藍翎外委談運華外委會時榮周福先均於七月十一日在黃岡縣鳳皇山打仗陣亡左仁營藍翎把總何鍾清七月十八日在黃岡縣大樹林打仗陣亡又恭營藍翎把總李克怡藍翎外委吳升餘於咸豐六年十一月二十二日夜堵剿武昌省城竄賊中礮陣亡

胡文忠遺集卷五十一 奏疏

四

外委周後賢於七年閏五月初二日在鴨公嘴打仗陣亡據各營官先後查報前來臣等查該員弁等或攻壘被害或臨敵捐軀均堪憫惻合無仰懇 天恩俯準敕部將布庫吉爾嘎勒德凌常林慶福恩特恆額吉里喜均照驍騎校例議卹守備李菊生守備銜儘先千總王迎發把總姚華禮李得太何鍾清曹華山李克怡外委唐敏道胡宏來談運華會時榮周福元吳升餘周後賢候選訓導姚緣全候選從九品鄒世範各照原銜原職從優議卹生員桂登臨照從九品例議卹六品軍功袁得勝程光大均照外委例

議卹以慰忠魂理合附片陳奏

六次續請

旌卹陣亡殉難之官紳士庶疏

十月初六日

竊查咸豐三年二月二十日奉

上諭向榮奏查

明安徽省城殉難官員開單請卹等語在籍從九品王澤夏雲階或被戕隕命或全家殉難同罹慘烈深堪憫惻均著照現在官階加等議卹並著於該地方建立專祠以慰忠魂又十月二十三日奉

上諭

太僕寺卿王茂蔭奏請旌表殉難士民一摺軍興以來被賊滋擾地方士庶人等或因罵賊致戕或因禦

胡文忠遺集卷五

奏疏

五

侮遭害甚至全家罹難闔室自焚雖貴賤之不同實節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬迅速查明遇賊死節士民婦女等除照例應請旌表外其殉難尤烈者並準其奏明請旨分別賜卹等因欽此欽遵各在案

臣

查楚北節年陣亡殉難官紳士庶婦女人

等前飭藩司督同武昌府設立節義局行令各屬查

報經

臣

先後五次

奏請

恩卹在案茲續據節

義局查報各屬陣亡殉難文武員弁紳民婦女共六千六百三十八名口由藩司馬秀儒詳請核奏前

來臣查胡起太等二百六名口奮志疆場捐軀臨陣
或闔門就義或率屬成仁忠勇可嘉情堪憫惻且核
與歷奉 諭旨準其奏明請 旨分別賜卹之

例相符相應繕具事實清單仰懇 聖恩飭部從

優議卹 旌表其餘例應議卹之陣亡兵勇紳民

劉瑞等五千二百六十八名口因公遇害之張先標

等五十八名口隨營病故之謝誼等九名例應

旌表之遇賊死節紳民婦女陳修榮等一千九十七

名口見危授命異地同情除飭藩司造冊送部外並

懇 飭部照例分別議卹議旌以慰忠魂而勵臣

胡文忠遺集卷五

奏疏

六

節此外尙有未經查辦各起容俟續催趕緊查報另

行 奏懇 恩施謹會同督 臣 官文恭摺具 奏

七次續請 旌卹節年陣亡殉難官紳士庶

疏 十一月二十七日

竊查咸豐三年二月二十日奉 上諭向榮奏查

明安徽省城殉難官員開單請卹等語在籍從九品

王澤夏雲階或被戕殞命或全家殉難同罹慘烈深

堪憫惻均著照現在官階加等議卹並著於該地方

建立專祠以慰忠魂又十月二十三日奉 上諭

太僕寺卿王茂蔭奏請旌表殉難士民一摺軍興以

來被賊滋擾地方士庶人等或因罵賊致戕或因禦
侮遭害甚至全家罹難闔室自焚雖貴賤之不同實
節義之無愧特恐僻處鄉隅不獲上邀旌卹以致湮
沒弗彰朕心惻焉著各該督撫通飭所屬迅速查明
遇賊死節士民婦女等除照例應請旌表外其殉難
尤烈者並準其奏明請旨分別賜卹等因欽此欽遵
各在案臣查楚北節年陣亡殉難官紳士庶婦女人
等前飭藩司督同武昌府設立節義局行令各屬查
報經臣先後六次奏請恩卹在案茲續據節

義局查報各屬陣亡殉難文武員弁紳民婦女共三

明文忠遺集卷三十一 奏疏

七

千六百十六名口由藩司馬秀儒詳請核奏前來

臣查楊國清等一百八名口或撻鋒刃而力竭捐軀

或率闖門而見危授命實屬大義昭著節烈堪嘉且

核與歷奉諭旨準其奏明請旨分別賜卹

之例相符相應繕具事實清單仰懇聖恩飭部

從優議卹旌表其餘例應議卹之陣亡兵勇紳

民熊宗喜等二千四十八名口因公遇害之何興隆

等四十九名口軍營病故之衲欽阿等二十九名例

應旌表之遇賊死節紳民婦女蕭致中等一千

三百八十二名口舍生取義先後同情除飭藩司造

冊送部外並懇飭部照例分別議卹議旌以慰忠魂而勵臣節此外尚有未經查辦各起容俟續催趕緊查報另行奏懇恩施謹會同督臣官文恭摺具奏

入次續請旌卹節年殉難陣亡官紳士庶

疏入年六月十二日

竊查咸豐三年二月二十日奉 上諭向榮奏查

明安徽省城殉難官員開單請卹等語在籍從九品王澤夏雲階或被戕殞命或全家殉難同罹慘烈深堪憫惻均著照現在官階加等議卹並著於該地方

胡文忠遺集卷五 奏疏

八

建立專祠以慰忠魂又十月二十三日奉 上諭

太僕寺卿王茂蔭奏請旌表殉難士民一摺軍興以來被賊滋擾地方士庶人等或因罵賊致戕或因禦侮遭害甚至全家罹難闔室自焚雖貴賤之不同實節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬迅速查明遇賊死節士民婦女等除照例應請旌表外其殉難尤烈者並準其奏明請旨分別賜卹等因欽此欽遵各在案臣查楚北節年陣亡殉難官紳士庶婦女人等前飭藩司督同武昌府設立節義局行令各屬查

報經臣先後七次 奏請 恩卹在案茲續據節

義局查報各屬陣亡殉難文武員弁紳民婦女共八千五十一名口由藩司馬秀儒詳請覈 奏前來臣

查康斌全等三百四十五名口或身先戰陣力竭捐軀或勢處艱難見危授命率闔門而就義洵忠節之

堪嘉且覈與歷奉 諭旨準其奏明請 旨分

別賜卹之例相符相應繕具事實清單仰懇 聖

恩飭部從優議卹 旌表其餘例應議卹之陣亡

兵勇紳民劉先丙等四千四百一十六名口因公遇

害之葉俊卿等一百一十四名口軍營病故之張心

胡文忠遺集卷五 奏疏

九

科等二百二十六名例應 旌表之遇賊死節紳

民婦女彭天瑞等二千九百五十一名口舍生取義先

後同情除飭藩司造冊送部外並懇 敕部照例

分別議卹議旌以慰忠魂而勵臣節此外尚有未經

查辦各起容俟續催查報另行 奏懇 恩施謹

會同督臣 官文恭摺具 奏

九次續請 旌卹管年陣亡殉難官紳士庶

疏 八年十一月初四日 督發

竊查咸豐三年二月二十日奉 上諭向榮奏查

明安徽省城殉難官員開單請卹等語在籍從九品

王澤夏雲階或被戕殞命或全家殉難同罹慘烈深堪憫惻均著照現在官階加等議卹並著於該地方建立專祠以慰忠魂又十月二十三日奉 上諭

太僕寺卿王茂蔭奏請旌表殉難士民一摺軍興以來被賊滋擾地方士庶人等或因罵賊致戕或因禦節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬迅速查明遇賊死節士民婦女等除照例應請旌表外其殉難尤烈者並準其奏明請旨分別賜卹等因欽此欽遵

胡文忠遺集卷五 奏疏

十一

各在案 臣查楚北節年陣亡殉難官紳士庶婦女人等前飭藩司督同武昌府設立節義局行令各屬查報經前撫 臣先後八次 奏請 恩卹在案茲據

節義局查報各屬陣亡殉難文武員弁紳民婦女共五千五百名口由藩司羅遵殿詳請核 奏前來 臣

查吳廷柏等三百七十五名口或撻鋒刃而力竭捐軀或率闔門而見危授命實屬大義昭著節烈堪嘉且核與歷奉 諭旨準其奏明請 旨分別賜

卹之例相符相應繕具事實清單仰懇 聖恩飭部從優議卹 旌表其餘例應議卹之陣亡兵勇

紳民王廷邦等三千七百三十一名口因公遇害之熊丁耆等一百三名口軍營病故之李昂等九十二名口例應 旌表之遇賊死節紳民婦女詹大有

等一千一百九十九名口舍生取義先後同情除飭

藩司造冊送部外並懇 飭部照例分別議旌以

慰忠魂而勵 節此外尙有未經查辦各起容俟續

催趕緊查報另行 奏懇 恩施伏乞 皇上

聖鑒再湖廣總督係 臣 本任毋庸會銜合併陳明謹

奏

十次續請 旌卹節年陣亡殉難官紳士庶

胡文忠遺集卷五奏疏

疏九年二月十一日

二

竊查咸豐三年二月二十日奉 上諭 向榮奏查

明安徽省城殉難官員開單請卹等語在籍從九品

王澤夏雲階或被戕殞命或全家殉難同罹慘烈深

堪憫惻均著照現在官階加等議卹並著於該地方

建立專祠以慰忠魂又十月二十三日奉 上諭

太僕寺卿王茂蔭奏請旌表殉難士民一摺軍興以

來被賊滋擾地方士庶人等或因罵賊致戕或因禦

侮遭害甚至全家罹難闔室自焚雖貴賤之不同實

節義之無愧特恐僻處鄉隅不獲上邀旌卹以致湮

復弗彰朕心惻焉著各該督撫通飭所屬迅速查明
遇賊死節士民婦女等除照例應請旌表外其殉難
尤烈者並準其奏明請旨分別賜卹等因欽此欽遵
各在案臣查楚北節年陣亡殉難官紳士庶婦女人
等前飭藩司督同武昌府設立節義局行令各屬查
報經臣等先後九次 奏請 恩卹在案茲據節

義局查報各屬陣亡殉難文武員弁紳民婦女共四
千九百二十三名日由藩司羅遵殿詳請核 奏前
來臣查候補知縣俞恩澤等五百八十二名或撻鋒
刃而力竭捐軀或率闖門而見危授命實屬大義昭
著節烈堪嘉且核與歷奉 諭旨準其奏明請

胡文忠遺集卷五 奏疏

三

旨分別賜卹之例相符相應繕具事實清單仰懇
聖恩飭部從優議卹分別 旌表其餘例應

議卹之陣亡傷故兵勇紳民陳想等共二千八百九
十四名口因公遇害之楊景和等共三十七名口軍
營病故之楊正鳳等共三十八名口例應 旌表

之遇賊死節紳民婦女陳詩興等共一千三百七十
名口舍生取義先後同情除飭藩司造冊送部外並
懇 飭部照例分別議卹議旌以慰忠魂而勵臣

節此外尙有未經查辦各起容俟續催趕緊查報另

行 奏懇

恩施理合會同湖廣總督臣官文恭

摺具 奏

十一次續請

旌卹節年陣亡殉難官紳士

庶疏九年四月二十三日

竊查咸豐三年二月二十日奉

上諭向榮奏查

明安徽省城殉難官員開單請卹等語在籍從九品
王澤夏雲階或被戕殞命或全家殉難同罹慘烈深
堪憫惻均著照現在官階加等議卹并著於該地方
建立專祠以慰忠魂又十月二十三日奉 上諭

太僕寺卿王茂蔭奏請旌表殉難士民一摺軍興以

胡文忠遺集卷五十一 奏疏

七

來被賊滋擾地方士庶人等或因罵賊致戕或因禦
侮遭害甚至全家罹難闔室自焚雖貴賤之不同實
節義之無愧特恐僻處鄉隅不獲上邀旌卹以致湮
沒弗彰朕心惻焉著各該督撫通飭所屬迅速查明
遇賊死節士民婦女等除照例應請旌表外其殉難
尤烈者並進其奏明請旨分別賜卹等因欽此欽遵
各在案臣查楚北節年陣亡殉難官紳士庶婦女人

等前飭藩司督同武昌府設立節義局行令各屬查

報經臣等先後十次 奏請

奏請

恩卹在案茲續據

節義局查報各屬陣亡殉難文武員弁紳民婦女甚

一千一百四十九名日由藩司羅遵殿詳請覈 奏

前來臣查彭得昌等一百五十五名口或身先戰陣

力竭捐軀或勢處艱難見危授命率闔門而就義洵

忠節之堪嘉且覈與歷奉 諭旨準其奏明請

旨分別賜卹之例相符相應繕具事實清單仰懇

聖恩飭部從優議卹並分別 旌表其餘例

應議卹之陣亡兵勇唐金彪等六百六十二名口因

公遇害之馬凌漢等一十名軍營病故之秦登榮等

三名例應 旌表之遇賊死節紳民婦女陶光彩

等三百一十九名口舍生取義先後同情除飭藩司

造冊送部外並懇 飭部照例分別議卹議旌以

慰忠魂而勵臣節此外尚有未經查辦各起容埃續

催查報另行 奏懇 恩施謹會同督臣官文恭

摺具 奏

十二次續請 旌卹節年陣亡殉難官紳士

庶疏 八月二十四日

竊查咸豐三年二月二十日奉 上諭向榮奏查

明安徽省城殉難官員開單請卹等語在籍從九品

王澤夏雲階或被戕殞命或全家殉難同罹慘烈深

堪憫惻均著照現在官階加等議卹並著於該地方

堪憫惻均著照現在官階加等議卹並著於該地方

建立專祠以慰忠魂又十月二十三日奉

上諭

太僕寺卿王茂蔭奏請旌表殉難士民一摺軍興以來被賊滋擾地方士庶人等或因罵賊致戕或因禦侮遭害甚至全家罹難闔室自焚雖貴賤之不同實節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬速查明遇賊死節士民婦女等除照例應請旌表外其殉難尤烈者並準其奏明請旨分別賜卹等因欽此又咸豐九年六月初六日準兵部咨嗣後凡陣亡殉難文武職官生監兵勇人等分別優卹議卹鄉勇隨同官兵

胡文忠遺集卷五 奏疏

七

殺賊立功陣亡傷故及因公遇害照步兵例分別議卹若並非官派打仗均毋庸予卹準入祀該處昭忠祠查出殉難尤烈民人實係打仗殺賊陣亡者雖非隨同官兵究屬同仇敵愾勇烈尤著準其奏請議卹其並非打仗陣亡者令該督撫另繕一單請旌不得混同請卹以示區別等因咸豐九年四月初四日奉旨依議欽此欽遵知照前來臣查楚北節年陣亡殉難官紳士庶婦女人等前飭藩司督同武昌府設立節義局行令各屬查報經臣等先後十一次奏請恩卹在案茲據節義局查報各屬陣亡殉

難文武員弁紳民婦女共八百一十三名口由藩司
莊受祺詳請核 奏前來 臣查方尊義等二百八名
口或櫻鋒刃而力竭捐軀或率闖門而見危授命實
屬大義昭著節烈堪嘉且核與歷奉 諭旨準其

奏明請 旨分別賜卹之例相符相應繕具事實

清單恭呈 御覽其餘例應議卹之陣亡兵勇紳

民吳六等四百三十六名口因公遇害之彭元善等

九名口例應 旌表之遇賊死節紳民婦女熊本

仁等一百六十名口舍生取義先後同情除飭藩司

造冊送部外並懇 飭部照例分別議卹議旌以

慰忠魂而勵 臣節此外尚有未經查辦各起容俟續

催趕緊查報另行 奏懇 恩施理合會同湖廣

總督 臣官文恭摺具 奏

胡文忠遺集卷五十五 奏疏

共

胡文忠公遺集卷五十終

